

## **Khamphani na mulawuri va gweviwa hi mayelana na vukanganyisi bya PAYE**

Tshwane, 27 Mawuwani 2021 - Khamphani na mulawuri wa yona va gweviwile mayelana na vukanganyisi bya PAYE hi mhaka yo koxa xikweleti xa mavunwa xa PAYE ya R 5.7 million.

Vulavisisi hi tiuditara ta Vukorhokeri bya Xibalo bya Afrika-Dzonga (SARS) ti kumile leswaku xikweleti xa mavunwa xa PAYE xi rhumeriwile ku herisa xikweleti xa xibalo xa nkoka wa R5.6 million. Xikweleti xa PAYE a xi pfumeleriwangi hi tiuditara ta SARS.

Khamphani leyi vuriwaka YB Mashalaba and Associates (Pty) Ltd na mulawuri Tatana Yandisa Bavulele Mashalaba va tivonile nandzu eKhoto ya Xifundza ya Bloemfontein.

Khamphani yi rihisiwile R 100 000 no yimisiwa eka 5 wa malembe hi ntalo, hiletlhelo mulawuri u rihisiwile R500 000 kumbe 5 wa malembe ekhotsweni laha xigwevo xi nga yimisiwa eka 5 wa malembe hi ntalo.

Khomixinara wa SARS, Edward Kieswetter u vurile leswaku tikhamphani na valawuri va tona va ta langutisana na nchuchiso wa vugevenga loko va tlula nawu no ringeta ku kanganyisa nkwama hi xibalo xin'wana na xin'wana lexi faneleke ku hakeriwa eka mfumo.

"SARS yi ta endla swi tika no durha eka muhakelaxibalo un'wana na un'wana loyi a tlulaka nawu hi ntsakelo na hi vomu tanihileswi hi langutelalaka leswaku muhakelaxibalo un'wana na un'wana a fikelela xiboho xavyena no hakela xiave xa yena xa xibalo, " u vurile.